


Россия эксперлари: Шайхнинг китоблари МДҲ давлатлари учун зарурдир



14:44 / 31.03.2017 8914

Аллома шайх Мұхаммад Содик Мұхаммад Юсуф раҳимаҳуллоҳ қолдирған илмий мерос ҳозирги замоннинг энг долзарб муаммосига айланған диний саводсизлик ҳамда унинг оқибатида келиб чиққан бемазҳаблик ва мутаассиблик каби иллатларни муолажа қилишда катта салоҳиятга эга экани күпчиликка маълум. Ушбу мерос жамиятдаги күргина муаммоларнинг ечими сифатида нафақат Ўзбекистонда, балки бошқа мамлакатларда ҳам эътироф этилмоқда.

Күргина соҳа мутахассислари, диний арбоблар ва сиёсатшунослар шайх Мұхаммад Содик Мұхаммад Юсуф раҳимаҳуллоҳнинг китоблари кенг тарқалған жойларда диний ихтилофлар ва динда ҳаддан ошиш каби оғатлар барҳам топаётганини таъкидлашмоқда.

Чунончи, МДҲ мамлакатларида мазкур асарларнинг рус тилидаги таржималариға бўлган талаб ортиб бораётганлиги ва шу сабаб шайх ҳазратларининг асарларини янада кўпроқ тарқатиш зарурати ҳамон сақланиб қолаётгани ҳақида «Ҳилол-нашр» матбаа-нашиётмизга мурожаатлар келиб турибди.

Айтиб ўтиш лозимки, Россия Федерациясидаги доимий ҳамкоримиз «Ал-Васатия» илмий-маърифий Марказининг раҳбарияти бу борада Россияда кенг кўламли ишларни олиб бормоқда. Ушбу марказдан келган мактубда

жумладан шундай дейилади:

«Шайх Мұхаммад Содик Мұхаммад Юсуф ҳазратларининг рус тилидаги «Васатыя — путь жизни», «Ийман. Ислам. Куръан», «Разногласия: причины и решения», «Открытое послание», «Религия — насиха» каби машхур китобларини Россиянинг барча маъмурий ҳудудларига тарқатиш ишлари кенг йўлга қўйилган. Мазкур китоблар аксар ҳолларда ёшлар орасида ҳамда жазони ўташ муассасаларидаги мусулмонлар орасида тарқатилаётганлиги алоҳида эътиборга лойиқdir.

Мазкур китоблар Россиянинг маҳсус экспертизалиридан ўтган бўлиб, Жазони ўташ федерал хизматининг (ФСИН) Марказий бошқармасига тавсия этилган ва жазони ўтаётган мусулмонлар эътиборига ҳавола этиш зарурлиги билдирилган».

Шуни ҳам айтиш керакки, мазкур китобларнинг турли ёт ғояларга қарши кураш борасидаги долзарблигини Россиянинг расмий доиралари ҳам тан олмоқда. «Ал-Васатия» марказининг билдиришича, «МДҲ вакиллари иштирокидаги халқаро анжуман доирасида ўtkazилган давра сұхбатида шайх ҳазратларининг қаламига мансуб асарларнинг тақдимоти бўлиб ўтди. Бунда Россия Федерациясининг Ташқи ишлар вазирлиги «Открытое послание» («Очиқ хат») китобига алоҳида қизиқиши билдириб, ушбу китобда Исломни ўзига ниқоб қилиб олган ДАИШ даъволарига қарши оламшумул, мукаммал ва муфассал ҳужжатли раддиялар келтирилганини кўрсатган».

«Ал-Васатия» маркази раҳбариятигининг эътирофига қўра, «Шайх Мұхаммад Содик Мұхаммад Юсуф раҳимаҳуллоҳ қолдирган асарлар баракотидан ҳамда «ал-Васатия» маркази билан «Хилол-нашр» ўртасидаги диний мутаассибликка қарши ҳамкорлик натижаси ўлароқ, ҳозирда Россияда тинч ва осуда ҳаёт ҳукм сурмоқда ва Ислом дини васатийлик, яъни мўттадиллик руҳида тушунилмоқда».

Россиялик ҳамкорларимизнинг таъкидлашича, шайх Мұхаммад Содик Мұхаммад Юсуф раҳимаҳуллоҳнинг асарларини барча МДҲ мамлакатлари ҳудудида, айниқса ёшлар орасида ва жазони ўташ муассасаларидан кенг миқёсда тарқатиш экстремизмга ва мутаассибликка қарши қаратилган ўта мухим ва зарур ишдир.

Шайх Мұхаммад Содик Мұхаммад Юсуф раҳимаҳуллоҳ томонидан асос солинган «Хилол-нашр» матбаа-нашириёт мажмуаси бу буюк алломанинг

улкан илмий меросини ўрганиш ва ўргатиш, тарғиб қилиш борасида устозимиз бошлаб кетган хайрли ишларни давом эттирмоқда. Шайх ҳазратларининг халқимизга, барча инсонларга динимизни етказиш, илм-маърифат тарқатиш борасидаги ишлари давом этмоқда.

Ҳамкорларимизнинг илтимосига биноан, «Ҳилол-нашр» матбаа-нашриёт мажмуаси яқин келажакда «Ал-Васатия» маркази билан биргаликда биринчи навбатда ДАИШ ва «Ҳизбут-тахрир» каби ташкилотларнинг фаолиятини фош қилувчи раддиялар келтирилган «Открытое послание», «Религия — насиҳа» китобларини қайта нашр қилишни режалаштирмоқда.

Аллоҳ таоло буюк устозимиздан рози бўлсин, у зотнинг илмий меросини халқимизга тўла-тўқис етказишни насиб айласин!

Исмоил Муҳаммад Содик